



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 361. Usque Ad Annum 395

Fleury, Claude

August. Vind. [u.a.], 1758

VD18 90117786

§. 18. S. Basilii vita in Episcopatu.

[urn:nbn:de:hbz:466:1-66032](https://nbn-resolving.org/urn:nbn:de:hbz:466:1-66032)

Sæculum IV.
A. C. 370.

§. XVIII.

S. Basilii vita in Episcopatu.

Greg. Naz. or. 19. p. 312.

Sanctus Senex Gregorius, quasi per miraculum sanus, & firmus Nazianzum reversus est. Episcopi Basilio contrari iniquo animo victoriam ejus ferebant atque pudore, & indignatione concitata convitia coram ingerebant; eorum iracundiam Gregorius patientia superavit, & in rei summa vicisse contentus, sinebat, ut iram verbis effunderent; cum tempore adversariorum indignatio versa est in admirationem, atque exinde Gregorium tanquam communem arbitrum, & Patriarcham coluere.

Id. or. 30. p. 334.

Eandem agendi rationem S. Basilii tenuit; irritatos animos sanavit non serviliter assentando, sed nobili, & benevolenta indole, non tam presentia cogitans quam futura, animosque ad præstandam sibi obedientiam præparans; nulla fraude utebatur, ut sibi reluctantes submitteret, sed amicitia devinciebat, satis esseratus, si ostenderet, posse se quidem refractarios punire, sed nolle. Pauca loquebatur, faciebat multa. Omnes summo viri ingenio cedere, & ob virtutum excellentiam credere coacti sunt, tantum Episcopo unitos esse, & subjectos oportere, aut æternæ salutis spem abjiciendam. Ita devicti pristinum errorem emendat.

mendare satagebant, ejus amicitiam ex-
 petebant, & in via virtutum proficere
 contendebant, cum cernerent, nulla alia
 ratione se posse Episcopo suo placere.
 Pauci fuere incorrigibiles, quorum nul-
 lam rationem habuit. Hoc modo S. Gre-
 gorius Nazianzenus amici sui mores no-
 bis depinxit. Cum S. Basilius creatus
 fuisset Episcopus, non ideo Gregorius ad
 eum venit; jam antea eum Basilius in-
 vitaverat, ut ægotantem se inviseret, &
 Gregorius itineri se dederat, attamen u-
 bi in via rescivit, eodem tempore Epif-
 copos Cæsaream proficisci, ut Eusebio
 successorem deligerent, statim viam, qua
 venerat, relegit, & Basilius simplicita-
 tis inculcavit, si non perspiceret, se inimi-
 cis suis liberrimam facultatem dare su-
 spicandi, eum ideo hoc rerum articulo
 amicos convocare, ut eorum suffragio ad-
 jutus, facilius ad Episcopatus fastigium
 ascenderet. Forte S. Gregorius, ne ipse-
 met in Episcopum exposceretur, perti-
 mescebat. Post amici Electionem pro-
 positum non mutavit, sed S. Basilio scri-
 psit, maximo quidem lætitiæ sensu se e-
 jus promotionem percepisse, verum non
 nisi post longum intervallum ad eum ven-
 turum, quamvis etiam Basilius se voca-
 ret, ne malevolis utrumque calumniandi
 ansam daret; venturum se vero, quan-
 do Numen jussisset, & livoris umbræ
 S 2 essent

Sæculum IV
A. C. 370.Or. 20. p. 344
Ep. 20. 29.
in fin.

Epist. 24.

Sæculum IV. essent dissipatæ. De hoc rigore S. Basilii primum conquestus, deinde amici sui prudentiam laudavit.

§. XIX.

S. Basilii unire Catholicos ad laborandum.

Greg. or. 20. Basil. ep. 48. Cum S. Basilii charitas, & zelus totam Ecclesiam complecteretur, magnopere affligebat virum sanctum Fidelium, etiam Episcoporum Catholicorum in Oriente divisio; ut tanto malo remedium quæreretur, Episcoporum Occidentalium pietatem sibi sollicitandam esse existimavit, atque S. Athanasii auctoritatem, qua apud eos valebat, adhibendam. Hinc igitur sub initium sui Episcopatus scripsit in hunc modum: *Dudum hæc mea sententia sedit, unicam Ecclesiam nostram pacandi viam superesse, Episcoporum Occidentis junctam operam. Si pro bono nostro eodem zelo laborare velint, quod de mi unius, alteriusve ambitionem castigerunt, non nulla pacem reducendi spes erit. Tantam Episcoporum multitudinem verebuntur Principes, populi sponte sequentur. Dignus es, Athanasi! qui istud charitatis tuæ monumentum posteris relinquis; pulcherrimo facinore tua certamina, quæ infinita pro fide subiisti, coronabis. Mitte ex Ecclesia tua sancta ad Episcopos Occidentis viros in sana Doctrina, & sermone potentes, qui malorum, quibus*